

■ GLOSSA

En bucca d'pesch!

DA SILVIO CAMENISCH

Essan nus vegls pestgaders betg segirs, co che nus ans cumportain il meglier, duess il Jesusmessias dal miracul blau vegnir dal giuven legher Rain nauagiuers. Tge vul dir duess, El ha empermess, El è empermess, gist, da la baselgia mundiala mediala. En 29 dis da la tgina a la bara, na, stgisai, stritgai la bara!, manegel a la sbuccada a Rotterdam ils 30 da matg: planisà en distanzas e temps cun staziuns d'events da VIP e da medias medias medias). Wandern am Quellrhein, viandar nauagiu il giuven legher Rain ha lieu realmain tras l'Empermess sco devoziuns da matg sin il current dal Rain.

Stoss jau vegl pestgader da litgivas d'aua, dal Rain da funtaunas cler sunan, tirar en mia lantscha e corda cun megla estga (da la regiun), avess il Salvader dal miracul blau da vegnir? Jau mez na pestgea betg carstgauns, sur-lasch jau meglier a megliers. Stoss jau tschessar intgins pass, prender giu mia veglia chapella da vegl pestgader ed il Rain, ma bittar en schanuglias, duess l'ambassador Ernst Bro-meis da tschert nudar u viandar, tut lasuenter il tra-



ject e las auas stgarpitschar sur sasez nauagiu? Dentant engiu, engiu gidan tut ils sontgs e las medias. Speranza betg en bucca d'pesch! Betg speranza!

Im Ernst. Da tschert: Jau demuss respect, duess um satigl, athletic e bel, trenà tras, sin il qual las dunas da medias na guardan betg davent!, viandar nauagiu cun ellas, sin ellas ed en ellas, las auas. Jau, vegl pestgader ed il Rain, giavisch al Salvader (dem Heiland, dem Heiler) en bucca d'pesch, Petri heil! La veglia, naira scuidanza tranter pestgaders da charn lascha jau a chasa. Er sch'ins ha vis sumegliant grond kino en la veglia Bibla de scola (ed. 1944): Jesus viandescha sul lag, in déjà-vu n'èsi betg! Igl è tut puspè sco nov, maivis spectacul medial da la car-dientscha al lieu, insaco.

Guardai, smirvegliai, Gtgenin team davos mai: Peter (accumpagnament/escorta), Carin (film), Remi (logistica), Melanie (blogg), Gregor (fisio), teamchef Werner ed Andrea, ulteriurs teamplayers voluntaris d'omadus sexes e fissgugent; gist, parasites. Il parasitar (das Schmarotzerische) sa dera-sa pront e rasant, nua che sa mussan ambassadors egal da tge e las medias las medias las medias, u sun jau tschorv?

Da qua giu èsi ì sco da baiver aua. Il pir vegn ussa l'entschatta da la fitg fitg prigulusa Ruinaulta averta turisticamain a temp per mes messadi/evangelii; l'intendant d'Origen ha puspè in auter messadi/evangelii, e stenda ses fils mo fin Hollywood; jau ils mes pli modestamain, nus essan modest!, mo fin Rotterdam. Ad interim. So. Guardai per mia dunna e mes uffants! Jau ma bit da curaschi en las uondas (surs. undas), jau tem nagut. Jau fid a mes super team. Duess jau arrivar salv giu Rehanau, bajegel jau sur punt mes chastì d'aua cun museum da l'aua, stanza da medias, stabiliments idroterapeutics, parc tematic e mediatic. Emper-mess.